



Broj: 10/1-38-016365-20/18
Tuzla, 16.08.2022. godine

Na osnovu člana 31. stav (4) Zakona o visokom obrazovanju („Službene novine Tuzlanskog kantona“, broj: 21/21, 5/22 i 11/22) i člana 27. stav (1) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 2/22), u postupku rješavanja po zahtjevu visokoškolske ustanove Evropskog univerzitet Kallos Tuzla, ministarstvo obrazovanja i nauke Tuzlanskog kantona (u daljem tekstu Ministarstvo) donosi:

RJEŠENJE

o akreditaciji visokoškolske ustanove Evropski univerzitet Kallos Tuzla

- 1. Akredituje se Visokoškolska ustanova Evropski univerzitet Kallos Tuzla.**
- 2. Evropski univerzitet Kallos Tuzla je ovlaštena da dodjeljuje akademske titule, zvanja i izdaje diplome koji se stiču izvođenjem studijskih programa na ovoj ustanovi.**
- 3. Rješenje o akreditaciji izdaje se na period od pet godina.**
- 4. Obavezuje se Evropski univerzitet Kallos Tuzla da najkasnije šest mjeseci prije isteka roka iz tačke 3. ovog rješenja podnese zahtjev za ponovnu akreditaciju.**
- 5. Ovo rješenje stupa na snagu danom donošenja.**

OBRAZLOŽENJE

Evropski univerzitet Kallos Tuzla je podnio Ministarstvu zahtjev za institucionalnu akreditaciju. Podneseni zahtjev Ministarstvo je zaprimilo pod brojem: 10/1-38-016365/18 od 10.05.2018. godine. Ministarstvo je dokumentaciju dostavljenu od strane Evropskog univerziteta Kallos Tuzla aktom broj: 10/1-38-016365/18 od 24.05.2018. godine dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova domaćih i međunarodnih stručnjaka Komisije stručnjaka za akreditaciju Evropskog univerziteta Kallos Tuzla (u daljem tekstu: Komisija stručnjaka). Na navedeni akt Ministarstva, Agencija je aktom broj: 05-33-1-291-2/18 od 13.06.2018. godine tražila dostavljanje prijedloga za imenovanje komisije stručnjaka koji sadrži tri puta veći broj stručnjaka za svaku od kategorija od minimalno predviđenog, kao i dostavljanje samoevalucijskog izvještaja predmetne visokoškolske ustanove na engleskom jeziku. Aktom broj: 10/1-38-016365-1/18 od 15.08.2018. godine ministarstvo je prema Agenciji uputilo traženi broj prijedloga stručnjaka iz svake kategorije, kao i odgovarajući broj samoevalucijskog izvještaja predmetne visokoškolske ustanove na engleskom jeziku. Potom je Agencija aktom broj: 05-33-1-291-4/18 od

17.09.2018. godine tražila dostavljanje samoevalucijskog izvještaja predmetne visokoškolske ustanove izrađenog u skladu sa važećom Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br: 96/16), ministarstvo je Evropskom univerziteta Kallos Tuzla dostavilo navedeni zahtjev Agencije na dalje postupanje i to aktom broj: 10/1-38-016365-2/18 od 27.9.2018. godine. Evropski univerzitet Kallos Tuzla je aktom od 17.10.2018.godine dostavio korigovani samoevalucijski izvještaj, ministarstvo je traženi korigovani samoevalucijski izvještaj dostavilo Agenciji aktom broj: 10/1-38-016365-3/18 od 30.10.2018. godine na dalje postupanje. Potom je Agencija aktom broj: 05-33-1-291-6/18 od 07.05.2019. godine dostavila obavještenje o potrebi dopune prijedloga komisije stručnjaka jer su dva stručnjaka iz kategorije student iz prethodno dostavljenog prijedloga izgubila status stručnjaka, ministarstvo je potom aktom broj: 10/1-38-016365-4/18 od 27.05.2019. godine dostavilo Agenciji traženu dopunu prijedloga stručnjaka iz kategorije student. Nakon toga je Agencija uputila dopis ministarstvu, aktom broj: 05-33-1-291-9/18 od 01.10.2019.godine u kojem je navedeno da postoje saznanja da su neki od predloženi članova komisije stručnjaka iz kategorije predstavnici akademske zajednice bili angažovani na predmetnoj visokoškolskoj ustanovi, kao i da su predloženi studenti već više puta bili angažovani kao članovi komisija, te je od ministarstva tražena dopuna prijedloga stručnjaka. Ministarstvo je potom aktom broj: 10/1-38-016365-5/18 od 11.11.2019. godine tražilo od Agencije da navede broj stručnjaka koje je dodatno potrebno predložiti. Agencija je potom aktom broj: 05-33-1-291-11/18 od 13.11.2019. godine obavijestila ministarstvo da dopuni prijedlog stručnjaka sa po tri dodatna predstavnika iz kategorije predstavnik akademske zajednice i iz kategorije student sa tri dodatna prijedloga, ministarstvo je traženu dopunu dostavilo Agenciji aktom broj: 10/1-38-016365-6/18 od 26.11.2019. godine.

Agencija je postupajući u skladu sa Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016. godine, nakon što je utvrdila da se predloženi članovi Komisije nalaze na Listi stručnjaka iz člana 48. alineja 3 Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Agencija je u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-291-4/18 od dana 29.01.2020. godine, kao i naknadnim izmjenama pomenutog Rješenja, broj: 05-33-1-291-22/18 od dana 06.01.2021. godine, broj: 05-33-1-291-32/18 od dana 25.08.2021. godine, broj: 05-33-1-291-38/18 od dana 22.10.2021. godine, broj: 05-33-1-291-49/18 od dana 12.01.2022. godine, te broj: 05-33-1-291-52/18 od dana 10.02.2022. godine.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu u maju 2022. godine te nakon toga sačinila Izvještaj o eksternoj evaluaciji Evropskog univerziteta Kallos Tuzla.

Dana, 18. 07. 2022. godine Komisija je Agenciji dostavila Izvještaj o eksternoj evaluaciji Evropskog univerziteta Kallos Tuzla, radi izdavanja preporuke o akreditaciji visokoškolske ustanove. Uvidom u Izvještaj, utvrđeno je sljedeće: - formalna cjelovitost Izvještaja, da je Izvještaj napisan na jednom od službenih jezika u Bosni i Hercegovini i engleskom jeziku, te da je u skladu sa Odlukom o normama i odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj:96/16). Komisija za davanje preporuka je nakon individualnog analiziranja dostavljenog Izvještaja Komisije stručnjaka, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), nakon održanih individualnih konsultacija, razmijenila stavove i zapažanja, te zaključkom predložila direktoru Agencije da postupi u skladu sa članom 5. stav (1) Instrukcije, a prema Mišljenju Komisije stručnjaka o ishodu akreditacije za visokoškolsku ustanovu Evropski univerzitet Kallos Tuzla. Komisija je ocjenila

ispunjenost deset kriterija za akreditaciju opisnim ocjenama i to: politika osiguranja kvaliteta-znatno ispunjen, izrada i odobravanje programa-potpuno ispunjen, učenje, podučavanje i vrednovanje usmjereni na studenta-znatno ispunjen, upis i napredovanje studenata, priznavanje i certificiranje-potpuno ispunjen, nastavno osoblje-znatno ispunjen, resursi za učenje i podrška studentima-potpuno ispunjen, upravljanje informacijama-potpuno ispunjen, informisanje javnosti-znatno ispunjen, kontinuirano praćenje i periodična revizija programa-potpuno ispunjen i periodično vanjsko osiguranje kvaliteta-znatno ispunjen. Visokoškolska ustanova Evropski univerzitet Kallos Tuzla bi trebao po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.

Na osnovu Izvještaja i mišljenja Komisije da visokoškolska ustanova Evropski univerzitet Kallos Tuzla ispunjava propisane uslove za akreditaciju, Agencija za razvoj visokog obrazovanja i osiguranje kvaliteta BiH, dala je Preporuku o akreditaciji broj: 05-33-1-291-55/18 od 26.07.2022. godine i istu dostavila Ministarstvu na daljnje postupanje.

Na osnovu naprijed navedenog, Ministarstvo je cijenilo da su ispunjeni svi propisani uslovi za izdavanje institucionalne akreditacije podnositelju zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x Evropski univerzitet Kallos Tuzla
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a



MINISTAR

Dr. sci. Ahmed Omerović

